

on sui in kriyan pi in dizan: éch fiu d' David, euché pitié d' nou;

28. é pi kant i l ô tè da l' mouézon, ézz avul és sont apreuchè d' li. Pi Jézu leuz ô di: Krouéyé vou ké ch' peuch fouèr chan k' ô mé dmindé ? i l i' on répondu: oui Singnor.

29. Pour ]or i l ô touché a leuz iu, i n dizan: K' i v8 souèch foué slon vô fouè.

30. Tou d' suit, leuz iu on tè ouvèr; é pi Jézu leuz ô défindu byin for éd nin dvizé, in leu dizan: Prindé byin gard a vou k' ô n' seuch pouin ché.

31. Mé chèt lô in s' in rnalán, on foué konnouèt a tèrtou din ch' pouéyi lô ch' ki s' étoué pasè.

32. Kant iz on tè rsorti, ô li ô amnè inn onm mué, k' étoué inchorchlè.

33. Kant éch diab ô tè kachè, éch mué ô parlé, é pi ché j'n nn' on tè tout ahuri, pi i dizouètt: ô n' ô mi janmoué ryin vu d' parèy din Izrahèl.

34. Mé ché farizyin dizouètt a leu tour. ch' é par él prans éd ché diab k' i kach ché diab;

35. é pi Jézu, in varonnan d' tou lé kôtè din ché vil pi din ché vilaj, il insingnoué din leu sinagog, pi i prechoué chl' évanjil dé ch' rouéyonm, é pi i gyérichoué tout sort éd langyeur é pi d'maladi ô mitan d' ché jin;

36. é vouéyan tou ché jin lô, i nn' ô yeu pitié, pach k'iz